

# INUIT ATAQATIGIIT INATSISARTUNI



UKA2021/017

30. september 2021

Agathe Fontain

**Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartutinatsisaat.**

**(Aningaasaqarnermut Nunamullu Namminermut Naalackersuisoq)**

Akileraarutit pillugit Inatsisartut inatsisaata allanngortinnissaanik, Naalackersuisut siunnersuuteqarput.

Ilaatigut pineqarlutik, akeqanngitsumik ineqarnek, akiliunneqarluni angalanerit, akeqanngitsumik oqarasuaateqarnek, akeqanngitsumik internetseqarnek aamma akeqanngitsumik nerisaqarnek ilaalu ilanngullugit.

Siunnersuummi aamma pineqarput, akeqanngitsumik ineqarnek pineqarpoq, tassani siunnersuutigineqarpoq akileraarutitigut annertussusiliinermi tiguisumut naliviusut annertunerusumik takuneqarsinnaalernissaat ammaanqassasoq.

Nassuiaatigineqarpoq, inuit aningaasarsiaqqortunerit taakkuningga ajunngitsorsiassanik pissarsigajunnerusartut.

Inatsisissatut siunnersuutip imaraattaaq, akeqanngitsumik biileqartarnek akit ineriartornerat malillugu qaffanneqartassasoq.

Siunnersuummi pingaarnertut anguniarneqartoq, tassaavoq Kalaallit Nunaata sinneqartoorutitut, iluanaarutitut aamma aningaasarsianit akileraarutitut, sullissinernit pissarsiarineqartunut akileraarusiisinaatitaanerata illersorneqarnissaa. Tamanna Inuit Ataqatigiiniit pitsaasutut isigaarput.

Siunnersuut assigiinngitsunik teknikkitalik sukumiissumik Aningaasaqarnermut Akileraarnermut, ataatsimiititaliamit suliarineqarnissaannut innersuupparput.